



正
 書
 經
 上

□ 12
3181
3



門口 12
號 3181
卷 3

書集傳序

昭和九年
七月三日
晴

慶元已未冬先生文公令沈作書集傳明年
先生歿又十年始克成編總若干萬言嗚呼
書豈易言哉二帝三王治天下之大經大法
皆載此書而淺見薄識豈足以盡發蘊奧且
生於數千載之下而欲講明於數千載之前
亦已難矣然二帝三王之治本於道二帝三
王之道本於心得其心則道與治固可得而



言矣。何者精一執中。堯舜禹相授之心法也。
建中建極。商湯周武相傳之心法也。曰德曰
仁。曰敬。曰誠。言雖殊而理則一無非。所以明
此心之妙也。至於言天。則嚴其心之所自出。
言民。則謹其心之所由施。禮樂教化。心之發
也。典章文物。心之著也。家齊國治而天下平。
心之推也。心之德其盛矣乎。二帝三王存此
心者也。夏桀商受亡此心者也。太甲成王困

而存此心者也。存則治。亡則亂。治亂之分。顧
其心之存不存如何耳。後世人主有志於二
帝三王之治。不可不求其道。有志於二帝三
王之道。不可不求其心。求心之要。舍是書何
以哉。沈自受讀以來。沈潛其義。參攷衆說。融
會貫通。迺敢拆衷微辭。與旨多述舊聞。二典
禹謨先生。蓋嘗是正手澤。尚新鳴呼。惜哉集
傳本先生所命。故凡引用師說。不復識別。四

代之書分爲六卷。文以時異治以道同。聖人
 之心見於書。猶化工之妙著於物。非精深不
 能識也。是傳也。於堯舜禹湯文武周公之心。
 雖未必能造其微。於堯舜禹湯文武周公之
 書。因是訓話亦可得其指意之大略矣。嘉定
 己巳三月既望。武夷蔡沈序。

書經篇目

○虞書 堯典 舜典 大禹謨 皋陶謨 益稷

○夏書 禹貢 甘誓 五子之歌 胤征

○商書 湯誓 仲虺之誥 湯誥 伊訓

太甲上 太甲中 太甲下 咸有一德 盤庚上

盤庚中 盤庚下 說命上 說命中 說命下

高宗彤日 西伯戡黎 微子

○周書 秦誓上 秦誓中 秦誓下 秦誓

武成 洪範 旅獒 金縢 大誥

微子之命 康誥 酒誥 梓材 召誥

洛誥 多士 無逸 君奭 蔡仲之命

多方 立政 周官 君陳 顧命

康王之誥 畢命 君牙 囀命 呂刑

文侯之命 費誓 秦誓

書經目錄終

書經

虞書

堯典

曰若稽古帝堯曰放勳欽明文思安安允恭

克讓光被四表格于上下○克明俊德以親

九族九族既睦平章百姓百姓昭明協和萬

邦黎民於變時雍○乃命羲和欽若昊天曆

象日月星辰敬授人時○分命羲仲宅嵎夷

曰暘谷寅賓出日平秩東作日中星鳥以殷
仲春厥民析鳥獸孳尾申命羲叔宅南交平
秩南為敬致日永星火以正仲夏厥民因鳥
獸希革分命和仲宅西日昧谷寅饗納日
平秩西成宵中星虛以殷仲秋厥民夷鳥獸
毛毨申命和叔宅朔方日幽都平在朔易
日短星昴以正仲冬厥民隩鳥獸氄毛帝
曰咨汝羲暨和暮二百有六旬有六日以閏

月定四時成歲九釐百工庶績咸熙帝曰
疇咨若時登庸放齊曰胤子朱啟明帝曰吁
嚚訟可乎帝曰疇咨若予米驩兜曰都共
工方鳩僝功帝曰吁靜言庸違象恭滔天
帝曰咨四岳湯湯洪水方割蕩蕩懷山襄陵
浩浩滔天下民其咨有能俾乂兪曰於鯀哉
帝曰吁咈哉方命圮族岳曰异哉試可乃已
帝曰往欽哉九載績用弗成帝曰咨四岳

朕在位七十載。汝能庸命。異朕位。岳曰。否。德

忝帝位。曰。明明揚側陋。師錫。帝曰。有鰥在下。

曰。虞舜。帝曰。兪。予聞如何。岳曰。瞽子。父頑。母

嚚。象傲。克諧以孝。烝烝乂。不格姦。帝曰。我其

試哉。女于時。觀厥刑于二女。釐降二女于嬀

汭。嬀于虞。帝曰。欽哉。

舜典

曰。若稽古帝舜。曰。重華。協于帝。濬哲文明。溫

恭。允塞。玄德升聞。乃命以位。慎徽五典。五典

克從。納于百揆。百揆時叙。賓于四門。四門穆

穆。納于大麓。烈風雷雨弗迷。○帝曰。格。汝舜。

詢事考言。乃言底可績。三載。汝陟帝位。舜讓

于德。弗嗣。正月上日。受終于文祖。在璿璣玉

衡。以齊七政。肆類于上帝。禋于六宗。望于山

川。徧于羣神。輯五瑞。既月。乃日。覲四岳羣牧。

班瑞于羣后。歲二月。東巡守。至于岱宗。柴望

班瑞于羣后。歲二月。東巡守。至于岱宗。柴望

秩于山川肆覲東后協時月正日同律度量
 衡修五禮五玉三帛二生一死贄如五器卒
 乃復五月南巡守至于南岳如岱禮八月西
 巡守至于西岳如初十有一月朔巡守至于
 北岳如西禮歸格于藝祖用特五載一巡守
 羣后四朝敷奏以言明試以功車服以庸肇
 十有二州封十有二山濬川象以典刑流宥
 五刑鞭作官刑扑作教刑金作贖刑眚災肆

赦怙終賊刑欽哉欽哉惟刑之恤哉流共工
 于幽洲放驩兜于崇山竄三苗于三危殛鯀
 于羽山四罪而天下咸服二十有八載帝乃
 殂落百姓如喪考妣三載四海遏密八音○
 月正元日舜格于文祖詢于四岳闢四門明
 四目達四聰咨十有二牧曰食哉惟時柔遠
 能邇淳德允元而難任人蠻夷率服○舜曰
 咨四岳有能奮庸熙帝之載使宅百揆亮采

惠疇僉曰伯禹作司空帝曰俞咨禹汝平水

土惟時懋哉禹拜稽首讓于稷契暨臯陶帝

曰俞汝往哉○帝曰棄黎民阻饑汝后稷播

時百穀○帝曰契百姓不親五品不遷汝作

司徒敬敷五教在寬○帝曰臯陶蠻夷猾夏

寇賊姦宄汝作士五刑有服五服三就五流

有宅五宅三居惟明克允○帝曰疇若予工

僉曰垂哉帝曰俞咨垂汝共工垂拜稽首讓

于父析暨伯與帝曰俞往哉汝諧○帝曰疇

若予上下草木鳥獸僉曰益哉帝曰俞咨益

汝作朕虞益拜稽首讓于朱虎熊羆帝曰俞

往哉汝諧○帝曰咨四岳有能典朕三禮僉

曰伯夷帝曰俞咨伯汝作秩宗夙夜惟寅直

哉惟清伯拜稽首讓于夔龍帝曰俞往欽哉

○帝曰夔命汝典樂教胥子直而溫寬而栗

剛而無虐簡而無傲詩言志歌永言聲依永

韻而和聲八音克諧比音可聽

律和聲八音克諧無相奪倫神人以和夔曰
於予擊石拊石百獸率舞○帝曰龍朕聖讒
說殄行震驚朕師命汝作納言夙夜出納朕
命惟允○帝曰咨汝二十有二人欽哉惟時
亮天功三載考績三考黜陟幽明庶績咸熙
分北三苗○舜生三十徵庸三十在位五十
載陟方乃死

大禹謨

曰若稽古大禹曰文命敷于四海祗承于帝
曰后克艱厥后臣克艱厥臣政乃乂黎民敏
德帝曰兪允若茲嘉言罔攸伏野無遺賢萬
邦咸寧稽于衆舍己從人不虐無告不廢困
窮惟帝時克益曰都帝德廣運乃聖乃神乃
武乃文皇天眷命奄有四海為天下君○禹
曰惠迪吉從逆凶惟影響○益曰吁戒哉傲
戒無虞罔失法度罔遊于逸罔淫于樂任賢

勿貳去邪勿疑疑謀勿成百志惟熙罔違道
以于百姓之譽罔拂百姓以從已之欲無怠
無荒四夷來王禹曰於帝念哉德惟善政政
在養民水火金木土穀惟修正德利用厚生
惟和九功惟叙九叙惟歌戒之用休董之用
威勸之以九歌俾勿壞帝曰俞地平天成六
府三事允治萬世永賴時乃功○帝曰格汝
禹朕宅帝位三十有三載耄期倦于勤汝惟
不怠總朕師禹曰朕德罔克民不依臯陶邁
種德德乃降黎民懷之帝念哉念茲在茲釋
茲在茲名言茲在茲允出茲在茲惟帝念功
○帝曰臯陶惟茲臣庶罔或于予正汝作士
明于五刑以弼五教期于予治刑期于無刑
民協于中時乃功懋哉臯陶曰帝德罔愆臨
下以簡御衆以寬罰弗及嗣賞延于世宥過
無大刑故無小罪疑惟輕功疑惟重與其殺

公化政上

書經上

一

不辜寧失不經。好生之德，洽于民心。效用不
犯于有司。帝曰：俾予從欲，以治四方。風動惟
乃之休。○帝曰：來禹，泝水，敝予成，允成功。惟
汝賢，克勤于邦，克儉于家，不自滿假，惟汝賢。
汝惟不矜，天下莫與汝爭能；汝惟不伐，天下
莫與汝爭功。予懋乃德，嘉乃丕績。天之曆數
在汝躬，汝終陟元后。人心惟危，道心惟微，惟
精惟一，允執厥中。無稽之言，勿聽；弗詢之謀，
勿庸。河愛非君，可畏；非民，衆非元后，何戴？后
非衆罔與，守邦欽哉。慎乃有位，敬修其可願。
四海困窮，天祿永終。惟口出好興戎，朕言不
再。禹曰：「敕！」功臣惟吉之從。帝曰：禹官占，惟
先蔽志，昆命于元龜。朕志先定，詢謀僉同，鬼
神其依。龜筮協從，卜不習吉。禹拜稽首，固辭。
帝曰：「毋惟汝諧。」正月朔旦，受命于神宗。率百
官若帝之初。○帝曰：咨禹，惟時有苗，弗率。汝

卷之三十一 書經

十一

引征禹乃會羣后誓于師曰濟濟有衆咸聽
朕命蠢茲有苗昏迷不恭侮慢自賢反道敗
德君子在野小人在位民棄不保天降之咎
肆予以爾衆士奉辭伐罪爾尚一乃心力其
克有勳三旬苗民逆命益贊于禹曰惟德動
天無遠弗届滿招損謙受益時乃天道帝初
于歷山往于田日號泣于旻天于父母負罪
引慝祗載見警賤夔夔齊慄瞽亦允若至誠
感神知茲有苗禹拜昌言曰兪班師振旅帝
乃誕敷文德舞于羽于兩階七旬有苗格

皋陶謨

曰若稽古皋陶曰允迪厥德謨明弼諧禹曰
兪如何皋陶曰都慎厥身修思永惇叙九族
庶明勵翼邇可遠在茲禹拜昌言曰兪○皋
陶曰都在知人在安民禹曰吁成若時惟帝
其難之知人則哲能官人安民則惠黎民懷

之能哲而惠何憂乎驩兜何遷乎有苗何畏

乎巧言令色孔王○臯陶曰都亦行有九德

亦言其人有德乃言曰載采采禹曰何臯陶

曰寬而栗柔而立愿而恭亂而敬擾而毅直

而溫簡而廉剛而塞彊而義彰厥有常吉哉

○日宣三德夙夜浚明有家日嚴祗敬六德

亮采有邦翁受敷施九德咸事俊乂在官百

僚師師百工惟時撫于五辰庶績其凝○無

教逸欲有邦兢兢業業一日二日萬幾無曠

庶官天工人其代之○天叙有典勅我五典

五惇哉天秩有禮自我五禮有庸哉同寅協

恭和衷哉天命有德五服五章哉天討有罪

五刑五用哉政事懋哉懋哉○天聰明自我

民聰明天明畏自我民明威達于上下敬哉

有土臯陶曰朕言惠可底行禹曰俞乃言底

可績臯陶曰予未有知思日贊贊襄哉

益稷

帝曰來禹汝亦昌言禹拜曰都帝予何言予

思日孜孜皐陶曰吁如何禹曰洪水滔天浩

浩懷山襄陵下民昏墊予乘四載隨山刊木

暨益奏庶鮮食予決九川距四海濬畎澮距

川暨稷播奏庶艱食鮮食懋遷有無化居烝

民乃粒萬邦作乂皐陶曰俞師汝昌言○禹

曰都帝慎乃在位帝曰俞禹曰安汝止惟幾

惟康其弼直惟動丕應獲志以昭受上帝天

其申命用休○帝曰吁臣哉鄰哉鄰哉臣哉

禹曰俞○帝曰臣作朕股肱耳目予欲左右

有民汝翼予欲直力四方汝爲予欲觀古人

之象日月星辰山龍華蟲作會宗彝藻火粉

米黼黻絺繡以五采彰施于五色作服汝明

予欲聞六律五聲八音在治忽以出納五言

汝聽○予違汝弼汝無面從退有後言欽四

益稷

鄰○庶頑讒說若不在時侯以明之據以記
之書用識哉欲並生哉工以納言時而颺之
格則承之庸之否則威之○禹曰俞哉帝光
天之下至于海隅蒼生萬邦黎獻共惟帝臣
惟帝時舉敷納以言明庶以功車服以庸誰
敢不讓敢不敬應帝不時敷同日奏罔功○
無若丹朱傲惟慢遊是好傲虐是作罔晝夜
額額罔水行舟朋淫于家用殄厥世予創若
時娶于塗山辛壬癸甲啓呱呱而泣予弗子
惟荒度土功弼成五服至于五千州十有二
師外薄四海咸建五長各迪有功苗頑弗即
工帝其念哉帝曰迪朕德時乃功惟叙臯陶
方祗厥叙方施象刑惟明○夔曰憂擊鳴球
搏拊琴瑟以詠祖考來格虞賓在位羣后德
讓下管鼗鼓合止祝敔笙鏞以間鳥獸蹌蹌
簫韶九成鳳凰來儀○夔曰於予擊石拊石

弘化改正書經上

卷之四

百獸率舞庶尹允諧○帝庸作歌曰勅天之
命惟時惟幾乃歌曰股肱喜哉元首起哉百
工熙哉臯陶拜手稽首颺言曰念哉率作興
事慎乃憲欽哉屢省乃成欽哉乃賡載歌曰
元首明哉股肱良哉庶事康哉又歌曰元首
叢脞哉股肱惰哉萬事墮哉帝拜曰俞往欽哉

夏書

禹貢

禹敷土隨山刊木奠高山大川○冀州○既
載壺口○治梁及岐○既修太原至于岳陽
○覃懷底績至于衡漳○厥土惟白壤○厥
賦惟上上錯厥田惟中中○恒衛既從大陸
既作○鳥夷衣服○夾右碣石入于河○濟
河惟兗州○九河既道○雷夏既澤○濰沮
會同○桑土既蠶是降丘宅土○厥土黑墳
厥草惟繇厥木惟條○厥田惟中下厥賦貞

禹貢

卷之六

作十有三載乃同○厥貢漆絲厥篚織文○

浮于濟潔達于河○海岱惟青州○嶠夷既

畧○濰淄其道○厥土白墳海濱廣斥○厥

田惟上下厥賦中上○厥貢鹽絺海物惟錯

岱畎絲枲鉛松怪石萊夷作牧厥篚麋絲○

浮于汶達于濟○海岱及淮惟徐州○淮汭

其乂○蒙羽其藝○大野既豬○東原底平

○厥土赤埴墳草木漸包○厥田惟上中厥

賦中中○厥貢惟土五色羽畎夏翟嶧陽孤

桐泗濱浮磬淮夷蠙珠暨魚厥篚玄纁織

浮于淮泗達于河○淮海惟揚州○彭蠡既

豬陽鳥攸居○三江既入○震澤底定○篠

簋既敷厥草惟夭厥木惟喬厥土惟塗泥厥

田惟下下厥賦下上上錯○厥貢惟金三品

璠琨篠簋齒革羽毛惟木島夷卉服厥篚織

貝厥包橘柚錫貢○沿于江海達于淮泗○

沿于江海達于淮泗○

荆及衡陽惟荊州○江漢朝宗于海○九江

孔殷○沱潛既道○雲土夢作乂○厥土惟

塗泥厥田惟下中厥賦上下○厥貢羽毛齒

革惟金三品柶榦栝柏礪砥磬丹惟篚簞括

三邦底貢厥名包匭菁茅厥篚玄纁璣組九

江納錫大龜○浮于江沱潛漢逾于洛至于

南河○荊河惟豫州○伊洛瀍澗既入于河

○滎波既豬○導荷澤被孟豬○厥土惟壤

下土壤壚○厥田惟中上厥賦錯上中○厥

貢漆象絺紵厥篚織纊錫貢磬錯○浮于洛

達于河○華陽黑水惟梁州○岷嶓既藝沱

潛既道○蔡蒙旅平○和夷底績○厥土青

黎○厥田惟下上厥賦下中三錯○厥貢璆

鐵銀鏤砮磬熊羆狐狸織皮○西傾因桓是

來浮于潛逾于沔入于渭亂于河○黑水西

河惟雍州○弱水既西○涇屬渭汭○漆沮

...

...

既從○澧水攸同○荆岐既旅終南惇物至

于鳥鼠○原隰底績至于豬野○三危既宅

三苗丕叙○厥土惟黃壤○厥田惟上上厥

賦中下○厥貢惟球琳琅玕○浮于積石至

于龍門西河會于渭汭○織皮崑崙析支渠

搜西戎卽叙○導岍及岐至于荆山逾于河

壺口雷首至于太岳底柱析城至于王屋太

行恒山至于碣石入于海○西傾朱圉鳥鼠

至于太華熊耳外方桐柏至于陪尾○導嶓

冢至于荆山內方至于大別○岷山之陽至

于衡山過九江至于敷淺原○導弱水至于

合黎餘波入于流沙○導黑水至于三危入

于南海○導河積石至于龍門南至于華陰

東至于底柱又東至于孟津東過洛汭至于

大伾北過泮水至于大陸又北播爲九河同

爲逆河入于海○潘冢導漾東流爲漢又東

爲逆河入于海○潘冢導漾東流爲漢又東

為滄浪之水過三滋至于大別南入于江東

匯澤為彭蠡東為北江入于海○岷山導江

東別為沱又東至于澧過九江至於東陵東

池北會為匯東為中江入于海○導沅水東

流為濟入于河溢為滎東出于陶丘北又東

至于荷又東北會于汶又北東入于海○導

淮自桐柏東會于泗沂東入于海○導滑自

鳥鼠同穴東會于澧又東會于涇又東過漆

沮入于河○導洛自熊耳東北會于澗瀍又

東會于伊又東北入于河○九州攸同四隩

既宅九山刊旅九川滌源九澤既陂四海會

同○六府孔修庶土交正底慎財賦咸則三

壤城賦中邦○錫土姓○祗台德先不距朕

行○五百里甸服百里賦納總二百里納銖

三百里納結服四百里粟五百里米○五百

里侯服百里采二百里男邦三百里諸侯○

里侯服百里采二百里男邦三百里諸侯○

里侯服百里采二百里男邦三百里諸侯○

里侯服百里采二百里男邦三百里諸侯○

里侯服百里采二百里男邦三百里諸侯○

五千里

五百里綏服。三百里揆文教。二百里奮武衛。

五百里要服。三百里夷。二百里蔡。○五百里

荒服。三百里蠻。二百里流。○東漸于海。西被

于流沙。朔南暨聲教。訖于四海。禹錫玄圭。告

厥成功。○

甘誓

大戰于甘。乃召六卿。○王曰：嗟！六事之人，予

誓告汝。○有扈氏威侮五行，怠棄三正。天用

勦絕其命。今予惟恭行天之罰。○左不攻于

左，汝不恭命。右不攻于右，汝不恭命。御非其

馬之正，汝不恭命。○用命，賞于祖；不用命，戮

于社。予則孥戮汝。

五子之歌

大康尸位，以逸豫滅厥德。黎民咸貳，乃盤遊

無度。敗于有洛之表，十旬弗反。○有窮后羿

因民弗忍，距于河。○厥弟五人，御其母以從

公也

漢于洛之汭五子咸怨述大禹之戒以作歌

○其一曰皇祖有訓民可近不可下民惟邦

本本固邦寧○予視天下愚夫愚婦一能勝

予一人三失怨豈在明不見是圖予臨兆民

慄乎若朽索之馭六馬為人上者奈何不敬

○其二曰訓有之內作色荒外作禽荒甘酒

嗜音峻宇彫牆有一於此未或不亡○其三

曰惟彼陶唐有此冀方今失厥道亂其紀綱

乃底滅亡○其四曰明明我祖萬邦之君有

典有則貽厥子孫關石和鈞王府則有荒墜

厥緒覆宗絕祀○其五曰嗚呼曷歸予懷之

悲萬姓仇予予將疇依鬱陶乎予心顏厚有

忸怩弗慎厥德雖悔可追

胤征

惟仲康肇位四海胤侯命掌六師義和廢厥

職酒荒于厥邑胤后承王命祖征○告于衆

胤征

胤征

胤征

胤征

胤征

曰。嗟予有衆。聖有謨訓。明微定保。先王克謹。天戒。臣人克有常憲。百官脩輔。厥后惟明明。○每歲孟春。道人以木鐸徇于路。官師相規。工執藝事以諫。其或不恭。邦有常刑。○惟時。羲和顛覆厥德。沈亂于酒。畔官離次。傲擾天紀。遐棄厥司。乃季秋月朔。辰弗集于房。瞽奏鼓。嗇夫馳。庶人走。羲和尸厥官。罔聞知。昏迷于天象。以于先王之誅。政典曰。先時者殺無赦。不及時者殺無赦。○今予以爾有衆。奉將天罰。爾衆士同力。王室尚胥予。欽承天子威命。○火災崐岡。玉石俱焚。天吏逸德。烈于猛火。殲厥渠魁。脇從罔治。舊染汙俗。咸與惟新。○嗚呼。威克厥愛。允濟愛克厥威。允罔功。其爾衆士懋戒哉。

商書

湯誓

商書卷之二十一

二十一

王曰。格爾衆庶。悉聽朕言。非台小子。敢行稱
亂。有夏多罪。天命殛之。○今爾有衆。汝曰。我
后不恤我衆。舍我穡事而割正夏。予惟聞汝
衆言。夏氏有罪。予畏上帝。不敢不正。○今汝
其曰。夏罪其如台。夏王率遏衆力。率割夏邑。
有衆率怠弗協。曰。時日曷喪。予及汝皆亡。夏
德若茲。今朕以往。○爾尚輔予。下人致天之
罰。予其大賚汝。爾無不信。朕不食言。爾不從
誓言。予則孥戮汝。罔有攸救。

仲虺之誥

成湯放桀于南巢。惟有懋德。曰。予恐來世以
台爲口實。○仲虺乃作誥曰。嗚呼。惟天生民
有欲。無主乃亂。惟天生聰明時。又有夏昏德
民墜塗炭。天乃錫王勇智。表正萬邦。績禹舊
服。茲率厥典。奉若天命。○夏王有罪。矯誣上
天。以布命于下。帝用不臧。式商受命。用爽厥

師○簡賢附勢寔繁有徒。肇我邦于有夏。若
苗之有莠。若粟之有秕。小大戰戰。罔不懼于
非辜。矧予之德。言足聽聞。○惟王不遜聲色。
不殖貨利。德懋懋官。功懋懋賞。用人惟已。改
過不吝。克寬克仁。彰信兆民。乃葛伯仇餉。初
征自葛。東征西夷怨。南征北狄怨。曰奚獨後
予。攸徂之民。室家相慶。曰後予后。后來其蘇。
民之戴商。厥惟舊哉。○佑賢輔德。顯忠遂良。
兼弱攻昧。取亂侮亡。推亡固存。邦乃其昌。○
德日新。萬邦惟懷。志自滿。九族乃離。王懋昭
大德。建中于民。以義制事。以禮制心。垂裕後
昆。予聞曰。能自得師者王。謂人莫已若者亡。
好問則裕。自用則小。○嗚呼。慎厥終。惟其始。
殖有禮。覆昏暴。欽崇天道。永保天命。

湯誥

王歸自克夏。至于亳。誕造萬方。○王曰。嗟爾

公化收正

三十五

萬方有衆明聽予一人誥惟皇上帝降衷于
下民若有恒性克綏厥猷惟后○夏王滅德
作威以敷虐于爾萬方百姓爾萬方百姓罹
其凶害弗忍荼毒並告無辜于上下神祇天
道福善禍淫降災于夏以彰厥罪肆台小子
將天命明威不敢赦敢用玄牡敢昭告于上
天神后請罪有夏肆求元聖與之戮力以與
爾有衆請命○上天孚佑下民罪人黜伏天

命弗僭貴若草木兆民允殖○俾予一人輯
寧爾邦家茲朕未知獲戾于上下慄慄危懼
若將隕于深淵○凡我造邦無從匪彝無卽
愒淫各守爾典以承天休○爾有善朕弗敢
蔽罪當朕躬弗敢自赦惟簡在上帝之心其
爾萬方有罪在予一人予一人有罪無以爾
萬方○嗚呼尚克時忱乃亦有終

伊訓

伊訓

惟元祀十有二月己丑伊尹祠于先王奉嗣
 王祇見厥祖侯甸羣后咸在百官總已以聽
 冢宰伊尹乃明言烈祖之成德以劄于王○
 日嗚呼古有夏先后方懋厥德罔有天災山
 川鬼神亦莫不寧暨鳥獸魚鱉咸若于其子
 孫弗率皇天降災假手于我有命造攻自鳴
 條朕哉自亳○惟我商王布昭聖武代虐以
 寬兆民允懷○今王嗣厥德罔不在初立愛

惟親立敬惟長始于家邦終于四海○嗚呼
 先王肇修人紀從諫弗咈先民時若居上克
 明為下克忠與人不求備檢身若不及以至
 于有萬邦茲惟艱哉○敷求哲人俾輔于爾
 後嗣○制官刑儆于有位日敢有恒舞于宮
 酣歌于室時謂巫風敢有殉于貨色恒于遊
 畋時謂淫風敢有侮聖言逆忠直遠耆德比
 頑童時謂亂風惟茲三風十愆卿士有一于

五化政正

三六

身家必喪。邦君有一于身。國必亡。臣下不匡。其刑墨。具劓于蒙士。○嗚呼。嗣王祗厥身。念哉。聖謨洋洋。嘉言孔彰。惟上帝不常。作善降之百祥。作不善降之百殃。爾惟德。罔小。萬邦惟慶。爾惟不德。罔大。墜厥宗。

太甲上

惟嗣王不惠于阿衡。○伊尹作書曰。先王顧諟天之明命。以承上下神祇。社稷宗廟罔不

祗。肅天監厥德。用集大命。撫綏萬方。惟尹躬克左右厥辟。宅師肆嗣。王丕承基緒。○惟尹躬先見于西邑夏。自周有終。相亦惟終。其後嗣王罔克有終。相亦罔終。嗣王戒哉。祗爾厥辟。辟不辟。忝厥祖。○王惟庸罔念聞。○伊尹乃言曰。先王昧爽丕顯。坐以待旦。旁求俊彥。啓迪後人。無越厥命。以自覆。○慎乃儉德。惟懷永圖。○若虞機張。往省括于度。則釋欽厥

止率乃祖攸行惟朕以懌萬世有辭○王未
克變○伊尹曰茲乃不義習與性成予弗狎
于弗順營于桐宮密邇先王其訓無俾世迷
○王祖桐宮居憂克終允德

太甲中

惟三祀十有二月朔伊尹以冕服奉鬯王歸
于亳○作書曰民非后罔克胥匡以生后非
民罔以辟四方皇天眷佑有商俾嗣王克終

厥德實萬世無疆之休○王拜手誓首曰予
小子不明于德自底不類欲敗度縱敗禮以
速戾于厥躬天作孽猶可違自作孽不可追
既往背師保之訓弗克于厥初尚賴匡救之
德圖惟厥終○伊尹拜手誓首曰修厥身允
德協于下惟明后○先王子惠困窮民服厥
命罔有不悅茲其有邦厥鄰乃曰後我后后
來無罰○王懋乃德視乃烈祖無時豫怠○

奉先思孝。接下懇恭。視遠惟明。聽德惟聰。朕承王之休無斁。

太甲下

伊尹申誥于王曰。嗚呼。惟天無親。克敬惟親。民罔常懷。懷于有仁。鬼神無常享。享于克誠。天位艱哉。德惟治。否德亂。與治同道罔不興。與亂同事罔不亡。終始慎厥與。惟明明后。○先王惟時懋敬厥德。克配上帝。今王嗣有

令緒。尚監茲哉。○若升高。必自下。若陟遐。必

自邇。○無輕民事。惟難。無安厥位。惟危。○慎

終于始。○有言逆于汝心。必求諸道。有言遜

于汝志。必求諸非道。○嗚呼。弗慮胡獲。弗為

胡成。一人元良。萬邦以貞。○君罔以辯言亂

舊政。臣罔以寵利居成功。邦其永孚于休。

咸有一德

伊尹既復政厥辟。將告歸。乃陳戒于德。○曰

鳴呼天難謀命靡常常厥德保厥位厥德靡
常九有以亡○夏王弗克庸德慢神虐民皇
天弗保監千萬方啓迪有命眷求一德俾作
神主惟尹躬暨湯咸有一德克享天心受天
明命以有九有之師爰革夏正○非天私我
有商惟天佑于一德非商求于下民惟民歸
于一德○德惟一動罔不吉德二三動罔不
凶惟吉凶不僭在人惟天降災祥在德○今

嗣王新服厥命惟新厥德終始惟一時乃日
新○任官惟賢材左右惟其人臣爲上爲德
爲下爲民其難其慎惟和惟一○德無常師
主善爲師善無常主協于克一○俾萬姓咸
曰大哉王言又曰一哉主心克綏先王之祿
永底烝民之生○嗚呼七世之廟可以觀德
萬夫之長可以觀政○后非民罔使民非后
罔事無自廣以狹人匹夫匹婦不獲自盡民

公羊傳

卷一

主罔與成厥功

盤庚上

盤庚遷于殷。民不適有居。率籲衆感出矢言。曰我王來既。爰宅于茲。重我民無盡劉。不能胥匡以生。卜稽曰其如台。○先王有服恪謹天命。茲猶不常寧。不常厥邑。于今五邦。今不承于古。罔知天之斷命。矧曰其克從先王之烈。○若顛木之有由蘖。天其永我命于茲新

邑。紹復先王之業。底綏四方。○盤庚敷于民。由乃在位。以常舊服。正法度。曰無或敢伏小人之攸箴。王命衆悉至于庭。王若曰。格汝衆。予告汝訓。汝猷黜乃心。無傲從康。○古我先王亦惟圖任。舊人共政。王播告之修。不匿厥指。王用丕欽。罔有逸言。民用丕變。今汝聒聒起信。險膚。予弗知。乃所訟。○非予自荒茲德。惟汝含德。不揚。予一人。予若觀火。予亦拙

謀作乃逸。○若網在綱，有條而不紊。若農服田力穡，乃亦有秋。○汝克黜乃心，施實德于民，至于婚友，丕乃敢大言。汝有積德，○乃不畏戎毒于遠邇，愔農自安，不昏作勞，不服田畝，越其罔有黍稷。○汝不和吉言于百姓，惟汝自生毒，乃敗禍，姦宄以自災，不厥身，乃既先惡于民，乃奉其恫，汝悔身何及。相時，檢民猶胥顧于箴言，其發有逸口，矧予制，乃短長之命。汝曷弗告朕，而胥動以浮言，恐沈于衆。若火之燎于原，不可嚮邇，其猶可撲滅，則惟爾衆自作弗靖，非予有咎。○遲任有言曰：人惟求舊器，非求舊惟新。○古我先王，暨乃祖乃父，胥及逸勤，予敢動用非罰。世選爾勞，予不掩爾善。茲予大享于先王，爾祖其從與享。之作福作災，予亦不敢動用非德。○予告汝于難，若射之有志。汝無侮老成人，無弱孤有

幼各長于厥居。勉出乃力。聽予一人之作猷。
○無有遠邇。用罪伐厥。用德彰厥。善邦之
臧。惟汝衆邦之不臧。惟予一人有佚罰。兄爾
衆。其惟致告。自今至于後日。各恭爾事。齊乃
位。度乃口。罰及爾身。弗可悔。

盤庚中

盤庚作。惟涉河。以民遷。乃誥民之弗率。誕告
用。實其有衆。咸造勿襄。在王庭。盤庚乃登進。

厥民。○曰。明聽朕言。無荒失朕命。○嗚呼。古
我前后。罔不惟民之承保。后胥感鮮。以不孚
干天時。○殷降大虐。先王不懷。厥攸作。視民
利用。遷汝曷不念我古后之聞。承汝俾汝。惟
喜康共。非汝有咎。比于罰。○予若籲懷茲新
邑。亦惟汝故。以丕從厥志。○今予將試以汝
遷。安定厥邦。汝不憂朕心之攸困。乃咸大不
宜。乃心欽念。以忱動予一人。爾惟自鞠自苦。

若乘舟。汝弗濟。臭厥載。爾忱不屬。惟胥以泆。
不其或稽。自怒曷瘳。○汝不謀長。以思乃災。
汝誕勸憂。今其有今。罔後汝。何生在上。○今
予命汝。一無起。穢以自臭。恐人倚乃身。迂乃
心。○予迓續。乃命于天。予豈汝威。用奉畜汝。
衆。○予念我先神后之勞。爾先予。丕克羞爾。
用懷爾然。○失于政。陳于茲。高后丕乃崇降。
罪疾曰曷。虐朕民。○汝萬民乃不生。生暨予。
一人猷同心。先后丕降。與汝罪疾曰曷。不暨。
朕幼孫有比。故有爽德。自上其罰汝。汝罔能。
迪。○古我先后。既勞乃祖。乃父。汝共作我畜。
民。汝有戕。則在乃心。我先后。綏乃祖。乃父。乃
祖。乃父。乃斷棄汝。不救乃死。○茲予有亂政。
同位具。乃貝玉。乃祖。乃父。丕乃告我高后曰。
作丕刑于朕孫。迪高后丕乃崇降。弗祥。○鳴
呼。今予告汝。不易。永敬大恤。無胥絕遠。汝分。

猷念以相從各設中于乃心○乃有不吉不
迪顛越不恭暫遇茲亢我乃剝殄滅之無遺
育無俾易種于茲新邑○往哉生生今予將
試以汝遷永建乃家

盤庚下

盤庚既遷奠厥攸居乃正厥位綏爰有衆○
日無戲怠懋建大命今予其敷心腹腎腸歷
告爾百姓于朕志罔罪爾衆爾無共怒協比

讒言予一人○古我先王將多于前功適于

山用降我凶德嘉績于朕邦○今我民用蕩
折離居罔有定極爾謂朕曷震動萬民以遷
肆上帝將復我高祖之德亂越我家朕及
篤敬恭承民命用永地于新邑○肆予冲人
非廢厥謀弔由靈各非敢違卜用宏茲賁○
嗚呼邦伯師長百執事之人尚皆隱哉○子
其懋簡相爾念敬我衆○朕不肩好貨敢恭

生生鞠人謀人之保居叙欽○今我既羞告爾于朕志若否罔有弗欽○無總于貨寶生

說命上

王宅夏亮陰三祀既免喪其惟弗言羣臣威諫于王曰嗚呼知之曰明哲明哲實作則天子惟君萬邦百官承式王言惟作命不言臣下罔攸稟令○王庸作書以誥曰以台正于

四方台恐德弗類茲故弗言恭默思道憂帝賚予良弼其代予言○乃審厥象俾以形旁求于天下說築傅巖之野惟肖○爰立作相王置諸其左右○命之曰朝夕納誨以輔台德○若金用汝作礪若濟巨川用汝作舟楫若歲大旱用汝作霖雨○敬乃心沃朕心○若藥弗瞑眩厥疾弗瘳若跣弗視地厥足用傷○惟暨乃僚罔不同心以匡乃辟俾率

王迪我高后以康兆民○嗚呼欽予時命其
惟有終○說復于王曰惟木從繩則正后從
諫則聖后克聖臣不命其承疇敢不祇若王
之休命

王置詭命書

惟說命總百官○乃進于王曰嗚呼明王奉
若天道建邦設都樹后王君公承以大夫師
長不惟逸豫惟以亂民○惟天聰明惟聖時

憲惟臣欽若惟民從乂○惟口起羞惟甲冑
起戎惟衣裳在等惟于文省厥躬王惟戒茲
允茲克明乃罔不休○惟治亂在庶官官不
及私昵惟其能爵罔及惡德惟其賢○慮善
以動動惟厥時○有其善喪厥善矜其能喪
厥功○惟事事乃其有備有備無患○無啟
寵納侮無恥過作非○惟厥攸居政事惟醇
○黷于祭祀時謂弗欽禮煩則亂事神則難

公北文正

○王曰。旨哉說。乃言惟服。乃不良于言。予罔

聞于行。○說拜誓首曰。非知之艱。行之惟艱。

王忱不艱。允協于先王。成德惟說。不言有厥咎。

○說命下。○其善。○其善。○其善。○其善。○其善。

王曰。來汝說。台小子。舊學于甘盤。既乃遜于

菜野。入宅于河。自河徂亳。暨厥終。罔顯。爾

惟訓于朕志。若作酒醴。爾惟麴蘖。若作和羹。

爾惟鹽梅。爾文修予罔予棄。予惟克邁乃訓。

○說曰。王人求多聞。時惟建事。學于古訓。乃

有獲。事不師古。以克永世。匪說攸聞。○惟學

遜志。務時敏。厥脩乃來。允懷于茲。道積于厥

躬。○惟數學生。念終始。典于學。厥德修罔覺。

監于先王。成憲其永。無愆。○惟說式克欽承。

苟招俊乂。列于庶位。○王曰。嗚呼。說四海之

內。咸仰朕德。時乃風。○股肱惟人。良臣惟聖。

○昔先正保衡。作我先王。乃曰。予弗克俾厥

后惟堯舜其心愧取若撻于市一夫不獲則
日時予之辜佑我烈祖格于皇天爾尚明保
予罔俾阿衡專美有商○惟后非賢不乂惟
賢非后不食其爾克紹乃辟于先王永綏民
說拜稽首曰敢對揚天子之休命

高宗彤日

高宗彤日越有雉雉○祖已曰惟先格王正
厥事○乃訓于王曰惟天監下民典厥義降

年有永有不永非天夭民民中絕命○民有
不若德不聽罪夫既孚命正厥德乃曰其如
咎○嗚呼王司敬民罔非天胤典祀無豐于昵

西伯戡黎

西伯既戡黎祖伊恐奔告于王○曰天子天
既訖我殷命格人元龜罔敢知吉非先王不
相我後人惟王淫戲用自絕○故天棄我不
有康食不虞天性不迪率典○今我民罔弗

欲喪曰天曷不降威太命不摯今王其如台
○王曰嗚呼我生不有命在天○祖伊反曰
嗚呼乃罪多參在上乃能責命于天○殷之
卽密指乃功不無戮于爾邦

微子

微子若曰父師少師殷其弗或亂正四方我
祖底遂陳于上我用沈酗于酒用亂敗厥德
于下○殷罔不小大好州竊姦宄卿士師師

非度凡有辜罪乃罔恒獲小民方興相為敵
讎今殷其淪喪若涉大水其無津涯殷遂喪
越至于今○曰父師少師我其發出狂吾家
耄遜于荒今爾無指告子顛濟若之何其○
父師若曰王子天毒降災荒殷邦方興沈酗
于酒○乃罔畏畏咈其耆長舊有位人○今
殷民乃攘竊神祇之犧牲牲用以容將食無
災○降監殷民用乂讎斂召敵讎不怠罪合

于一。多瘠罔詔。○商今其有災。我興受其敗。

商其淪喪。我罔為臣僕。詔王子出迪。我舊云。

刻子。王子弗出。我乃顛隤。○自靖人自獻于。

先王。我不顧行邁。

書經上終

蕪

